



SURUHANJAYA PILIHAN RAYA MALAYSIA

KENYATAAN MEDIA

BIL.74 / 2018

2,801 ORANG PENGUNDI AWAL BAGI PILIHAN RAYA KECIL N.27 BALAKONG DAN N.32 SERI SETIA MENGUNDI PADA SELASA INI.

1. Suruhanjaya Pilihan Raya (SPR) memaklumkan bahawa seramai 2,801 orang pengundi awal bagi Pilihan Raya Kecil (PRK) Dewan Undangan Negeri (DUN) N.27 Balakong dan N.32 Seri Setia akan mengundi pada **4 September 2018 (Selasa)**.
2. **Bagi PRK DUN N.27 Balakong**, seramai **31 orang** pengundi awal yang terdiri daripada anggota polis akan mengundi di **Ruang Legar Kuarters Balai Polis Seri Kembangan**. Pusat Pengundian Awal itu akan dibuka mulai jam **8.00 pagi** hingga **12.00 tengah hari**.
3. Manakala bagi proses pengundian awal di DUN N.32 Seri Setia pula, **seramai 2,770 orang** pengundi awal terlibat meliputi **2,597 orang anggota tentera serta pasangan mereka** dan **173 orang anggota polis**. Bagi anggota tentera serta pasangannya, mereka akan mengundi di **Dewan Serbaguna Ababil, Pangkalan Udara Subang**. Manakala bagi anggota polis pula mereka akan mengundi di **Kompleks SMS Polis Diraja Malaysia (PDRM), Shah Alam**. Pusat Pengundian Awal itu akan dibuka mulai jam **8.00 pagi** hingga **5.00 petang**.
4. Proses pengundian awal itu akan disaksikan oleh ejen-ejen calon yang bertanding di bahagian-bahagian pilihan raya yang berkenaan. Di

samping itu, **Pemerhati-Pemerhati Pilihan Raya** daripada wakil-wakil Organisasi serta Pertubuhan Bukan Kerajaan (NGO) yang dilantik oleh SPR juga akan turut menyaksikan proses pengundian awal tersebut.

5. Untuk makluman, kertas-kertas undi awal tidak akan dikira di Tempat Mengundi (saluran) pada 4 September 2018, sebaliknya akan disimpan di tempat yang selamat iaitu di lokap-lokap balai polis. Pengiraan kertas-kertas undi awal tersebut hanya akan dijalankan pada **8 September 2018** secara berkelompok di tempat pengiraan undi yang ditetapkan SPR dengan disaksikan oleh ejen-ejen calon masing-masing.

Sekian dimaklumkan dan terima kasih.

DATO' HAJI MD YUSOP BIN HAJI MANSOR

Ahli Suruhanjaya

Suruhanjaya Pilihan Raya Malaysia

Tarikh : 2 September 2018 / 21 Zulhijjah 1439H